

**TULAFONO TAU FAAOFI O TEUTEUGA  
O LE TULAFONO O LE PENISINI 2014**

**SAMOA**

Faatulagaina o Aiaiga

- |                              |                                       |
|------------------------------|---------------------------------------|
| 1. Igoa puupuu ma le amataga | 3. Ua faaofiina le fuaiupu 10A<br>fou |
| 2. Ua teuteuina le fuaiupu 3 | 4. Soloaiga                           |

---

**2014, Nu.**

**O SE TULAFONO TAU FAAOFI UA TAU**

**O SE TULAFONO e teuteu ai le Tulafono o le Penisini 1984  
("o le Tulafono Autu").**

**UA FAIA** e le Fono Aoao Faitulafono a Samoa i totonu o le  
Palemene ua potopoto e faapea:

**1. Igoa puupuu ma le amataga** - E mafai ona taua leni  
Tulafono o le Tulafono o Teuteuga o le Tulafono o le Penisini  
2014 ma e amata faamamaluina i le aso e tuuina i ai le maliega  
a Le Ao o le Malo.

**2 Ua teuteuina le fuaiupu 3** - Mo le fuaiupu 3 o le  
Tulafono Autu, ia faaopoopo le faamatalaga fou leni i le  
faasologa sao o le pi faitau faa-Peretania:

““suauu i aofaiga tetele” o lona uiga o so o se penisini ua faaulufale mai e avea o se suauu i aofaiga e sili atu i lo le 500,000 lita i le tausaga ma e aofia ai Kesi Penisini ua Faaliusuavai i aofaiga o le tai 500,000 lita i le tausaga;”.

**3. Ua faaofina le fuaiupu 10A fou** - I le tuanai ai o le fuaiupu 10 o le Tulafono Autu, ia faaofi:

**“10A. Faaulufale mai o suauu i aofaiga tetele-**(1) E lē tatau i se tagata, e ese mai i lo se tagata fai konekarate, ona ia faaulufale mai suauu i aofaiga tetele, ae vagana ai ua i ai faatasi ma le uluai maliega tusitusia a le Minisita.

(2) O le maliega tusitusia:

(a) e mafai ona tuuina atu faatasi ma ni tuutuuga pe leai foi; ma

(b) e lē tatau ona taofia e aunoa ma se mafuaaga tatau e le Minisita.

(3) O le talosaga mo se maliega tusitusia, e tatau ona faia i se faiga tusitusia i le Minisita.”.

**4. Soloaiga** - I le amata faamamaluina ai o lenei Tulafono, so o se suauu i aofaiga tetele e faapea:

(a) sa utaina i le atunuu na auina ese mai ai mo le toe utaina mai i vaa i Samoa; po o

(b) o lo o i totonu o Samoa mo le kilia a le Ofisa o le Tiute,

o le a lē tatau ona noatia i le maliega a le Minisita i lalo o le fuaiupu 10A.

---